



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Traffic**

Broj: 01-05-1210-23/19 KM  
Sarajevo, 25.02.2019. god.

**SKUPŠTINA KANTONA SARAJEVO**  
**SARAJEVO**

**PREDMET: Odgovor na „Zastupničku inicijativu“**

U prilogu dopisa dostavljamo Vam odgovor na pokrenutu zastupničku inicijativu na 4. Radnoj sjednici Skupštine Kantona Sarajevo održanoj dana 30.01.2019. godine, a od strane zastupnika Elvisa Vrete.

**Inicijativa:**

„Pokrećem inicijativu da ministarstvo saobraćaja ponovo odobri privremenu komercijalnu autobusku liniju „Vijećnica -Hrasnica“ do izrade nove strategije javnog prijevoza.

**Obrazloženje :**

Navedena autobuska linija je jedno izvjesno vrijeme bila u funkciji a zatim je resorno ministarstvo ukinulo. Od tog trenutka veliki broj građana se žalio na mjeru ukidanja, bezuspješno su podnijeli i peticiju ministarstvu saobraćaja, a sve zbog nedostatka kvalitetnijeg javnog prijevoza i potrebe za korištenjem navedene linije.

Po zahtjevima građana lokalna zajednica je u više navrata putem općinskih službi, općinskog vijeća svojim zahtjevima i zaključcima bezuspješno tražila ponovno stavljanje navedene linije u funkciju. Tražim da ministarstvo postupi u interesu građana i odobri privremeno korištenje autobuske linije „Hrasnica – Vijećnica.“

**Odgovor :**

Prijevoznici koji su obavljali prijevoz na relaciji Hrasnica – Vijećnica isti su obavljali bez registrovanog „Reda vožnje“.

Ministarstvo u postupcima modifikacije mreže linija postupa u skladu sa “Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“Sl. novine Kantona Sarajevo” broj: 28/09). Ministarstvo, može modificirati



mrežu linija na zahtjev nadležnog organa općine, ukoliko utvrdi da postoji opravdanost takvog zahtjeva.

Postupajući u skladu sa “Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“Sl. novine Kantona Sarajevo” broj: 28/09), Ministarstvo je zahtjev Općine Ilidža za registraciju nove linije Hrasnica – Vijećnica uputilo Komisiji za izradu mreže linija na području Kantona Sarajevo za javni linijski prijevoz putnika na razmatranje.

Na II sjednici Komisije za izradu mreže linija na području Kantona Sarajevo za javni linijski prijevoz putnika, održane dana 22.04.2016. godine razmatran je zahtjev za registraciju nove autobuske linije Hrasnica – Vijećnica, i donesen je slijedeći zaključak:

Nakon provedene diskusije po pitanju uspostave kantonalne autobuske linije Hrasnica – Vijećnica, u koju su se uključili svi članovi komisije konstatovano je da zahtjev nije opravdan.

**Obrazloženje:** Predloženi itinerer (trase) linije se u potpunosti poklapa sa trasom autobuske linije broj 27 Ilidža – Hrasnica i tramvajske linije broj 3 Ilidža – Bašćaršija. Prijedloženi terminusi i stajališta na liniji su identični kao na autobuskoj liniji broj 27 Ilidža – Hrasnica i paralelna stajališta tramvajske linije broj 3 Ilidža – Bašćaršija.

Pored toga predloženi itinerer nove autobuske linije Hrasnica – Vijećnica ima dio zajedničke trase sa linijama: autobuska linija broj 27a Ilidža – Sokolovići, autobuska linija broj 27b Ilidža - Kovači (Hrasnica), autobuska linija broj 31e Vijećnica – Dobrinja, tramvajska linija broj 6 Skenderija – Ilidža i tramvajska linija broj 4 Željeznička stanica – Ilidža.

Linija Hrasnica – Vijećnica sa predloženim itinererom i stajalištima bi u potpunosti bila paralelna linija sa već registrovanim linijama, a u najvećem dijelu paralelni prijevoz sa ekološki prihvatljivim prijevozom (tramvajski), takođe bi u dobroj mjeri isti ometala i usporavala.

Ministarstvo će i u narednom periodu u postupcima modifikacije mreže linija, a u konkretnom slučaju na zahtjev Općine Ilidža za uvođenje nove linije Hrasnica – Vijećnica, postupati u skladu sa “Pravilnikom o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“Sl. novine Kantona Sarajevo” broj: 28/09).

S poštovanjem,

Dostaviti:

- Skupština Kantona Sarajevo
- evidencija
- arhiva

MINISTAR

Adnan Šteta

Predmet obradio: Muamer Kukan



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1

